

*brandus* Theologiae D. & *Georgius Lieblerus* Physicus Tubingensis anno ætatis 76. ex vitæ hujus contubernio exeunt. 50. A.C. 1601. *Nicolaus Cressius* J. U. D. & *Christiani* Electoris Saxonie Cancellarius Dræsdæ 9. Octobris, capite truncatur. Mortui *Conradus Dasipodius* Mathematicus, *Philippus Glaserus*, & *Iohannes Loppicus* Jurisconsulti, Argentorati. Sequenti anno mors abstulit *Casparum Peucerum* Medicinæ D. & Anhaltinorum Principum Consiliarium mense Septembri, ætatis 78. *Danielem Tosanum* Theologum Heidelbergensem annos 61. natum, *Wilhelmum Perkinsum* Theologum Anglum & *Paulum Melissum* Schedum Francum, cum annum Climastricum ingressus esset. Qui huic successit annus eripuit 24. Martii *Elisabetham* Angliæ Reginam annos fere 70. habentem, & *Egidium Hunium* Theologum 4. Aprilis. Sic anno 53. Anno Christi 1604. *Cornelius Beceer* Pastorem ad D. *Nicolaum* Lipsiæ, virum vitæ integritate & eloquentiâ præclarum, 15. Maji. *Nelchorem Innum* Rectorem Argentinensem 26. Januarii, Argentina 10. Februarii *Griacum Spangenbergium* Theologum annum 76. agentem, Brema 15. Februarii *Christophorum Pezelium* ætatis anno 65. *Lucam Osiandrum* Theologum Esslingenensem 17. Septembris, & *Petrum Wesembecium*. Anno 54. Anno Christi 1605. Obiit *Theodorus Beza Vezelius* Theologus Genevensis 13. Octobris anno ætatis 87. Sequenti verò anno ex hac vitâ migrarunt *Nicolaus Turrellus* Philosophus Altorfianus, & *Servestæ* 18. Maji *Wolfgangus Amelingus* Theologus Anhaltinus ætatis 63. 56. Anno Christi 1607. Illustre Gymnasium in Valle Joachimicâ magnis sumptibus extruxit Elector Brandeburgicus, & inauguravit in festo D. *Bartholomæi*. *Ludovicus Haffix* Landgravius fundat Academiam Gießæ, & Privilegia ab Imperatore impetrat, eaque promulgat, Academiamque 8. Octobris introducit. Vitâ functi sunt 28. Maji *Georgius Mylius* Augustanus Theologiae D. & Professor Wittebergensis ætatis anno 59. Romæ 30. Junii *Cesar Baronius* Cardinalis Annalium Ecclesiasticorum scriptor. *Iohannes Reinoldus* Theologus Oxoniensis in Angliâ. Stadæ Saxonum 1. Augusti *Otto Casimannus* 45. annum agens. 12. Septembris *Lucas Trelcatius* Theologus Leidensis 34. annos habens. 57. A.C. 1608. Obiit *Pantaleon Candidus* Austriacus, Theologus Bipontinus anno ætatis 68. 58. A.C. 1609. Decefferunt Lugduni Batavorum 4. Aprilis *Carolus Clusius* A trebas Botanicus excellens, anno ætatis 84. & *Iacobus Arminius* Theologiae Professor 49. ætatis anno. 59. An. Ch. 1610. 18. Julii Obiit *Amandus Polanus à Polansdorf* Sil. Theologus Basileensis 49. ætatis anno. 60. Anno Christi 1611. *Marcus Beumlerus* Theologus Tigurinus 31. Julii peste, & *Iacobus Leßius* Genevæ. 28. Augusti dyfenteria anno ætatis 53. extinctus est. 61. Anno Christi 1612. 10. Januarii Imperator *Rudolphus II.* Imperium & vitam Pragæ deponit. Imperium 3. Junii ab Electoribus Francofurti deferretur *Matthie* fratri ipsius. 2. Februarii vitâ fungitur *Hypolitius à Colibus*, omnis generis doctrinâ vir cultissimus, & Consiliarius Palatinus, anno

ætatis 51. 62. Anno Christi 1613. Moriantur 25. Martii Wittembergæ *Fridericus Taubmannus* Francus Poëta celeberrimus, ætatis 48. Tempore Verno *Iohannes Caselius* Helmstadii Professor, Octogenarius. Altorfii 25. Maji *Conradus Rittersbusius* Jurisconsultus & Philologus. Mense Junio Heidelbergæ *Iohannes Iacobus Christmannus* Johannisbergensis Logices, & Arabicæ linguæ Professor, 59. ætatis anno, & ibidem 27. Julii *Bartholomæus Pitiscus* Theologus, & Mathematicus insignis 52. ætatis anno. 63. Anno Christi 1614. Groningensis Academia ab Ordinibus Provinciae Groninganae instituitur. Vitâ finem hoc anno fecerunt, 13. Maji Heidelbergæ *Marquardus Freherus* Augustanus Jurisconsultus & historicus 49. ætatis anno, ibidem *Henricus Smetius* Aloftanus Medicinæ D. & Professor, 77. anno ætatis. 24. Junii Augustæ *M. Vellerus*, in Angliâ *Casabonius*, *Bartholomæus Scultetus* Consul Gorlicensis vir Matheseos admodum peritus ætatis 74. 64. Anno Christi 1615. vivere desierunt Berolini 10. Junii *Simon Ulrichus* Pistoris in Sensu Electoris Brandeburgici Consiliarius, vir in Politicis, & Theologicis versatissimus 45. anno ætatis, Mense Augusto *Antonius Fajus* Theologus Genevensis. 68. Anno Christi 1619. Imperator *Matthias* 10. Martii Viennæ exuvias mortales deposuit, in cuius locum successit *Ferdinandus II.* Archidux Austriae 10. Augusti ab Electoribus Francofurti Imperator constitutus, qui 15. Februarii anno 1637. ex hac vitâ discedens filio suo *Ferdinando III.* Imperium reliquit, ab Electoribus Ratisbonæ 4. Idus Decembris anno 1636 Romanorum Regi electo, quo anno Academia Ultrajectina ab ejusdem Provinciae Ordinibus instituta est. Hunc Illustrum illorum in promovendis studiis Ordinum Ultrajectinæ Provinciae conatum nunquam satis laudabilem æmulatione omnem laudem superante imitati sunt Ducatus Geldriae Illustris Ordines, qui 12. Aprilis anni 1647. Harderwic oppido Velaviz primario Academiam erexerunt, eique primum præfecerunt Rectorem, *Iohannem Christenium*, J. U. D. & Primum Jurisprudentiæ Professorem, virum & Juris peritissimum, & omnis generis doctrinâ politissimum.

Tot autem Academiae, & tanta Scholarum copia ubique in potissimis Europæ regionibus erectæ argumento sunt, quantâ accessione aucta fuerit Respublica Literaria, quæ proximo & præfente Seculo civium suorum tam admirabili multitudine se diffudit, ut cum cætera Regna & Respublicæ certis suis limitibus includantur, & vel ipsis bellis, ob lites de finibus exortas, se includi patiantur, hæc tamen nullis terminis coerceri velit. Ejus cives præcipuos, qui sæculo post natum Christum decimo quinto vixerunt, cum aliquot præfentis nostri sæculi enumeravimus, quibus cæteri præcipui, qui hoc nostro sæculo decimo sexto vixerunt, aut adhuc vivunt, adjungendi, brevî tamen nominum enumeratione, quandoquidem Catalogum generalem hic contexere instituti nostri ratio non patitur. *Peireskii*

autem

autem vitam, quam doctissimus Vir *Petrus Gasendus* sex libris variâ eruditione refertis in lucem edidit, paucis enarrando, & quasi compendiarium indicem virorum insignium, quorum ibidem fit mentio, ob oculos ponendo, propositum nostrum exequemur. *Nicolaus* (Iaudus *Fabrics de Peiresco*, seu *Peireskii* Senator Aquisensis, vir admirandæ eruditionis, cognitionis rerum antiquarum raræ, & singularis peritiæ in Mathematicis anno 1580. Kal. Decembris in Belgenferri oppidi castro natus est patre *Reginaldo Fabio*, ex nobilissima Fabriciorum, seu Fabriciorum familia oriundo, & matre *Margaretâ Bonpariâ* foemina nobili. Anno 1599. in Italiam profectus viros omni doctrinarum genere florentissimos convenit, Patavii tam Professores, quam alios *Iacobum Galium*, *Bartholomæum Syllaticum*, *Joachimum Scainum*, *Ottoneum Discalcium*, *Fabricium ab Aquapendente* Anatomicum, *Thomam Segetum*, *Erycium Puteanum* Chronographum Regium, & Oratoriæ interpretem Mediolani tunc temporis viventem, postea *Lipsii* successorem, *Iohannem Vincentium Pinellum* (sub initium Augusti anno 1601. septuagenarium mortuum, *Galileum de Galileis* Mathematicum magni nominis; In Venetorum urbe Primaria *Paulum Sarpium*, *Dominicum Molinum*, *Contarenos*, *Bembum Equitem*, *Alroyandum*, *Bononiæ Iulium Casarem Velium*; Florentiæ *Richardum Richardi* Botanicum nobilem; Senis *Celsum Cittadinum*; Romæ *Baronium*, & *Bellarminum* Cardinales, *Iacobum Sirmondum* Jesuitam doctissimum, *Laëlium Paschalium* ibidem 1614. mortuum, *Fulvium Ursinum*, *Philippum Pigafettam*, *Ghibertum*, *Paulum Gualdum* mense Octobri anno 1621. vitâ functum, *Petrum Stephanonum*, *Dionysium Octavium Sadam*, *Amaldum Cardinalem Ossatum*, *Abbatem Montanum*. Fuit tum ipsi quoque necessitudo cum *Adolpho* Occone Augustano Medico, *Benedicto Natalio* Fulinii, *Hieronymo Rubeo* Clarissimo Medico Ravennæ, *Cesare Campano* Vicentia, *Cesare Nichezola* Veronæ, anno 1614. mortuo, & *Antonio Tolentino* Cremonæ sedem habente: Item cum *Emendo Bruto*, *Georgio Raguseo*, *Iacobo Papafavio*, *Martino Sandello*, *Hieronymo Alexandro* juniore, *M. Cornaro*, viris omnibus literatissimis. Neapoli vidit *Iohannem Vincentium*, & *Iohannem Baptistam Porcæos*, fratres, *Adrianum Guilielmum*, *Martem Gurgustiolam*, *Ferrantem Imperatum*. In Galliam rediens Montispelii audivit *Iulium Pacum à Beriga* J. C. qui postea Heidelbergæ in Palatinatu Professor fuit, indeque in Galliam reversus Valentia anno 1635. diem obiit: Porro conversatus est cum *Richerio Bellervatto* Botanico & Anatomico, *Francisco Ranchino* Physico & Medico, ac *Dortomanno* insigni Medico. Noti etiam ipsi fuere *Franciscus Villanovanus* Flayofci Baro, Græcæ linguæ & historiarum callentissimus, ac *Franciscus Malherbus* vir literatissimus. 1605. Parisiis invisit *Iacobum Augustum Thuanum* Parlamenti Parisiensis præsidem, & historiarum hujus temporis scriptorem celeberrimum, sub initium Maji 1617. mortuum; *Isaacum Casaubonum* Bibliothecarium Regium, *Frontonem Ducem*, *Papirium Massonem*, *Nicolaum Fabrum*, *Iacobum Bon-*

*gasium*, *Scævlam* & *Ludovicum San-Marthanos*, *Franciscum Pitheum* Petri Pitheii Germanum. Anno 1606. in Angliâ cum Rege *Iacobo* principum hujus sæculi doctissimo contulit, & familiaritatem contraxit cum Doct. *Thorio*, Doct. *Tato*, *Roberto Cottone*, *Guilielmo Camdeno*, *Iohanne Bardato*, *Iacobo Collio*, *Matthia Lobelio* regio Botanico, *Alberico Gentili*, *Henrico Savilio*, *Iohanne Nordeo*. Dolebat autem non agnitos sibi *Guillelmum Gilbertum* libri de Magnete autorem, & *Thomam Lydiatum* celebrem Mathematicum. Ex Angliâ in Hollandiam profectus adiit Lugduni Batavorum viros doctissimos *Scaligerum*, *Carolus Clusium* octogenario majorem, & podagrâ laborantem, *Bonaventuram Vulcanium*, *Dominicum Baudium*: *Enchusæ Bernardum Paludanum* Medicum, rerum exoticarum, ac aliarum rarissimarum thesaurum, longo temporis progressu collecto, celeberrimum virum; Hagæ *Hugonem Grotium* tum adolescentem quidem, verum admirandâ omnium rerum scientiâ pollentem; *Delphis Abrahamum Gorleum*, anno 1609. mortuum; Antverpiæ *Andream Schottum*, *Carolus Scribanum* Societatis Jesu Patres doctissimos, *Aubertum Miræum* Ecclesiasticæ Historiæ peritissimum virum, *Nicolaum Roccoxium* Antiquariæ rei studiosissimum, & *Henricum Sedulium*; Bruxellis *Wenceslaum Cobergum* pingendi arte, & itidem rerum antiquarum notitiâ celebrem virum; Gaudavi *Laurentium Deebrotium*: Infulis Florentinum *Nalleum* antiquitatum Liturgicarum authorem, *Tornaci Dionysium Wilherium* rerum antiquarum insignem cultorem, *Hieronymum Wingebium* rariorum plantarum studiosissimum, *Duaci Guilielmum Richardotum* & *Andream Hojum* Græcæ Linguæ Professorem. In Galliam reversus & Senator Aquisensis factus anno 1609. *Iohannem Taxilem* Arelatensem Medicum ejus consilio tamen postea minus obsequentem, *Casparum Bricium* Arelatensem Parochum, & *Iohannem Baptistam Hansenium* Gymnasiarcham Aquisensem in conatibus suis Astro-nomicis juvit: Familiaris ipsi quoque fuit *Carolus Cassaneus* Massiliensis Medicus. Anno 1610. sub anni initium oblatum fuit *Peireskio* Prognosticon ejusdem anni seu Almanach compositum ab *Hieronymo Ollerio* Beneficiario Barcinonensi, & superioris anni mense Novembri Valentia impressum, in quo non obscure cædes interfecti Regis Galliarum *Henrici IV.* innuebatur, Designarat autem Astrologus ille & nativitatis circumstantias, & eventa quædam præcipua, ut denotari alius Rex quam *Magnus Henricus* non possit. Montispelium hoc anno perveniens *Peireskii* idem Prognosticon monstravit *Iosepho Gualterio* Priori, & Domino Valletæ, Matheseos viro peritissimo. Eodem anno observationi Jovialium stellarum à *Galileo* detectarum operam dedit. Anno 1614. ipsi innotuit *Gabriel Simita* ex Maronitis Libani montis Linguarum Orientalium interpretatione clarus. Anno 1617. Literarum commercium habuit cum pluribus viris doctis, ac præcipue cum *Seldeno* in Angliâ, *Thoma Erpenio* Arabicæ Linguæ Professore in Aca-

(hh) 2 demia